

quam omnis homo cupidus rerum suarum merito debet vitare. II. Alioquin Satanæ pulvinar instruit, atq; vitiis plurimis occasionem, Inculentam præbet. III. Providentia Dei non excludit media ordinaria, sicut Israelitis depluebat Manna quidem, ipsi tamen exire & colligere debebant, Exod. 16. Nec ultro hoc miraculum duravit, quàm cum venientes ad limina Canaan de frumentis terræ sibi victum parare possent, Josuæ 5. Sic Jacob tempore caritatis annonæ mittit filios in Ægyptum, unde frumenta adferrent, Gen. 42. IV. Otiosos illos remittimus ad formicas, Prov. 6. V. In sudore vultus tui panem vesceris, Genes. 3.

10. Unde accidat, quod Deus sæpe rerum penuriam immittat?

Resp. I. Ita vult docere patientiam, ut Dei temperamento simus contenti. II. Castigat propter delicta, & poenitentiam inculcat. III. Fastidium nostrum punit, quia sæpe appetimus plura, quàm par est. IV. Ingratitudinem objicit, quod sæpe dona ejus inutiliter consumpserimus. V. Meruimus, quod in abundantia rerum non egerimus grates benefico Deo. VI. Sollicitudinem malam excutit, ut propius eum intueri discamus. VII. Laboribus nostris sæpe adscribimus, non Deo: igitur aliter rem se habere, vult ostendere.

IN LOCO

DE INVOCATIONE.

THEOREMATA.

1. **I**nvocare dicitur, quasi in se vocare, nempe per affectum & devotum cultum, ut scribit Thomas Lect. 2 in cap. 10. Rom.

2. Homonymia est, quod notet quamvis auxilii implorationem, Hof. 7. v. II. In testem advocacionem, Deut. 4, 26. Denominationem, Gen. 48, 16. Publicam annunciationem, Gen. 4, ult. Psal. 116, 12. Integrum cultum Christianorum, Psal. 50, 15. I. Cor. 1, 2. Religiosam Dei compellationem, Gen. 23, 7.

3. Synonyma sunt: Adorare, sic dictum quasi ad ora, cum in adoratione civili manus osculari soleamus. Janus Drusius lib. 1. Observ. cap. 20. Ab ador derivat Priscianus, quod potissimum frumentum significat, quo Romani in sacrificiis utebantur, sic adoratio solum Dei cultum notat, cum soli Deo sit sacrificandum. Dicitur præterea clamor & gemitus ad Deum, Exod. 2, 23, Deprecatio, Eccl. 35. 6. Preces,